

جریدہ عالیہ

مشیت جلیلہ اسلامیہ نمک جریدہ رسمیه سیدر

غرة ذی القعدة سنه ۱۳۳۲

عدو : ۵

آیہ بر نشر اولنور

برنجی سنه

قوانین و نظامات (*)

« محاکم شرعیه کتابت‌ریله اموال ایتام مدیر و مأموریت‌رینه و دائره علمیه اقلانده کی وظائفه منشأ اوله حق »
« مدرسه القضاة کی صنف مخصوص نظامنامه سی »

۵ صفر سنه ۱۳۳۲ تاریخی مدرسه القضاة نظامنامه سنه ذیلدر

ماده : ۱ محاکم شرعیه نك خصوصات تحریریه و اداره سنده استخدام اوله حق مأمورینه منشأ اولق و مدت تدریسیه سی شیمدیلک برسنه دن عبارت اولوب لزوم کورلد . یکنده ایکی سنه یه ابلاغ ایدلک اوزره درسعادته مدرسه القضاة نهاری برصنف مخصوص کساد اولمشدر .

ماده : ۲ هر سنه اشبو صنف مخصوصه نواحی وقضا نیابتلرنده خدمتلی مسبق ذوات و بولندقلری دائره لرك معاملاتى خللدار اولماق اوزره مقام مشیخت مستشارلیله هر طالبك منسوب اولدیغی دائره مدیریتجه مشترکاً تنسیب و تفریق اوله حق دوائر علمیه مستخدمین حاضره سی و مكاتب اعدادیه و یا مكاتب اعدادیه درجه سنده بولان مكاترك سنلری یکرمدن دون و اوتوزدن افزون اولیان مأذونلری بلا امتحان آلتور و دیگر طالبلرك سنلری یکر می ایله یکر می بش آراسنده اولق شرطیله ماده آتیله معین درسلدن مسابقه امتحاننده احراز موفقیت ایدنلری قبول اولتور .

ماده : ۳ دخول امتحانی؛ مقام مشیختجه امتحانه تابع اولیان طالبلرك مقداری نظره آله رق تعیین اوله حق عدده کوره مسابقه صورتیله ، عربی (صرف ، نحو ، منطق) تاریخ ، جغرافیا ، حساب ، کتابت و حسن خطدن اجرا اولتور .

ماده : ۴ صنف مخصوصه تدریسات اشبو نظامنامه یه مذیل جدوله تابعدر .

ماده : ۵ صنف مخصوصك اموراداره سی مدرسه القضاة مدیریتنه محول وامور تعلیمییه سی جانب مشیختدن تعیین اوله حق معلمینه مفوضدر .

ماده : ۶ صنف مخصوص طلبه سی درسار ایچون معین زماندن ماعدا ساعات تحصیللرنده باب فتوی سجل مدیریتجه اراه اوله حق محاکم شرعیه و دوائر علمیه ده بالفعل ایفای وظیفه ایله تطبیقاتده حائز ملکه ورسوخ اولغه چالیشه جقلر و هر کون مداوم بولندقلری محاکم و دوائر دوام جدوللری امضا ایدرك تطبیقات امتحانی ایچون تقدیر اوله حق نومرویه اساس اولق اوزره درجه مامارسلری حقنده رؤسای دوائر ك تصدیقلری محتوی سنه نهایتنده وثائق مخصوصه ابراز ایلیه جکلردر .

ماده : ۷ تدریسات و دوام و امتحانلر حقنده کی احکام متفرعه تعلیماتناه ایله معیندر .

ماده : ۸ صنف مخصوص مأذونلری امتحانلرده احراز ایلدکلی درجات

(*) بکلکچی دیوان هایون جانبندن تبلیغ اولمشدر .

ارازنده اساس ترجیح اولق اوزره محاکم شرعیہ کتابتلیله اموال ایتم مدیر ومأمور۔
یتلرینه وسائر طالبلره ترجیحاً بلا امتحان دائرہ علمیه اقلامنه قبول اولنورلر۔ محاکم شرعیہ
اقلامنده انحلال ایدہ جک مأموریتلره صنف مخصوص مأذونلرندن طالب وار ایکن
خارجدن کسه تعین اولنه ماز .

ماده : ۹ اشبو نظامنامه تاریخ نشرندن اعتباراً مرعیدر .
ماده : ۱۰ اشبو نظامنامه نك اجرای احکامنه مقام مشیخت مأموردر .

*
**

صنف مخصوص تدریسات جدولی

فرائض ووصایا ؛
صک شرعی ؛
نکاح ، طلاق ، حضانه ، نفقه ؛
احکام اوقاف ؛
دفتر قسام ؛
{ اصول محاکمه شرعیہ }
{ تطبیقی بر صورته ؛ }
معلومات قانونیه ؛
خرج و تمغا قانونلری ؛
کتابت ؛
حساب ؛
اصول دفتری ؛
حسن خط تعلیق ؛
اشبو نظامنامه نك موقع مرعیتہ وضعی ونظامات دولته علاوہ سنی اراده ایلدم .

۱۲ شوال سنه ۱۳۳۲ و ۲۱ اغستوس سنه ۱۳۳۰

محمد رشاد

حریه ناظری	شیخ الاسلام و اوقاف هایون ناظری	صدر اعظم و خارجیه ناظری
انور	خیری	محمد سعید
مالیه ناظری و داخلیه ناظری و کیلی	بحریه ناظری	عدلیه ناظری و شورای دولت رئیس و کیلی
جاوید	احمد جمال	ابراہیم
نوسته و تلغراف و تلفون ناظری	معارف ناظری	تجارت و زراعت ناظری
	احمد شکری	نافعہ ناظری
		محمد
		سلیمان البستانی

قانون صورتیدر :

ماده : ۱ مکلفیت عسکریه قانونک طقسان ایکنجی ماده سینه فقره آتیه تذیل ایدلشدیر .

آتیده تعداد اولئانلر دخی افراد احتیاطیه و مستحفظه دن اولدقلری حالده مأمور-یتلرینک دوامی مدتجه یالکز سفر برلک ایچون وقوع بوله جق اجتماعلرده سلاح آلتیه التقدن مستنادرلر :

- محکمه تمیز رئیس و اعضای ومدعی* عمومیی .
- استیناف محکمه سی رئیس و اعضای ومدعی* عمومیی .
- بدایت محکمه سی رئیس و اعضای ومدعی* عمومیی .
- شورای دولت ودوائری رؤسا و اعضا وباش معاونلری .
- مجلس تدقیقات شرعیه رئیس و اعضای .
- فتوی امینی معاونلری ورئیس المسودین .
- مجلس مصالح طلبه رئیس و اعضای .
- آمدجی وبکلکچی و معاونلری وقلمارنده برر کاتب .
- مدیر عمومیلر وخدیویت مصریه قپو کتخداسی ودیوان ترکی رئیس و مخبرات مدیری .

- حقوق مشاورلری، مکتوبچیلر وشعبه مدیرلری .
- دیوان محاسبات رئیس و اعضای ومدعی* عمومیی .
- شورای اوقاف رئیس و اعضای .
- صلح حاکملری وحاکم منفردلر .
- مستشار ومدیر معاونلری ویا میز لر .
- معاملات حسابیه ولوازم ایچون برر مأمور .
- شفره مأمورلری [اوچی تجاوز ایتماک اوزره]
- وزنه دار ومعتمدلر .
- ولایات ومستقل لوالر معارف مدیر ویا مفتشلری و اوقاف مدیر ویا مأمورلری ومهندسلری .

ولایات ومستقل لوالر باش مهندسلری وطرق ومعابر مفتشلی .

بغداد وقونیه امور میاهیه مهندساری .
 طرق ومعار ونافعه هیأت قنیه سنده بر مهندس .
 پوسته وتلغراف موزع و مأمورلری وفن سر مفتش ومعاونلری وانبار مأمورلری
 ونقلیه وسوق مأمورلری .
 دوائر بلدییه مدیرانی تنظیفات وتطهیرات اوتوموبیللری شوفورلری .
 تنویروصو وتراموای قومانیه لری مستخدمیندن جهت عسکریه جه تفریق اولنه حق
 مقدار .
 ماده : ۲ اشبو قانون تاریخ نشرندن اعتباراً مرعی واجرای احکامنه هیأت
 وکلا مأموردر .
 مجلس عمومینک اجتماعنده قانونیتی تکلیف اولنق اوزره اشبولایحه قانونیه نک موقتاً
 موقع اجرایه وضعی وقوانین دولته علاوه سنی اراده ایلدم .
 ۱۴ رمضان ۱۳۳۲ و ۲۴ تموز ۱۳۳۰

محمد رشاد

حریبه ناظری	شیخ الاسلام و اوقاف هایون ناظری	صدراعظم وخارجیه ناظری
انور	خیری	محمد سعید
مالیه ناظری	عدلیه ناظری وشورای دولت رئیس وکیل	داخلیه ناظری
جاوید	احمد جمال	طلعت
پوسته وتلغراف وتلفون ناظری	معارف ناظری	تجارت وزراعت ناظری
اوسقان	احمد شکری	سلیمان البستانی
		عمود

*
*

سلاح آلتیه آنان مأمورین معاشاتنه دائر قانون صورتیدر :

ماده : ۱ وظائف مستقله ویامشترکه اصحابندن اولان بالعموم مأمورین و کتبه دن
 بالفعل خدمت عسکریه غیر مقصوره آلتانلر مأموریتلرندن انفکاکلری تاریخندن اعتباراً
 معزول عد اولنه جقار و ختام مدت عسکریه لرنده مأموریت سابقه لرینه معادل اوله رق
 ایلک آچیله جق مأموریتلره سائرلرینه ترجیحاً تعیین ایدیله جکلردر .

ماده : ۲ بالعموم مأمورین و کتبه دن احتیاط ویا مستحفظلقلری اثناده تعلیم
 ویامانوره مقصدیله اولمق سزین تحت سلاحه النانلر وظائف مشترکه اصحابندن اولسون اولسون

ماذون عد اوله رق معاشرينك اوچيوز غروشه قدر اولان مقداری تام و اوست طرفی
ثلث اوله رق اعطا ایدیله جکدر .

ماده : ۳ احتیاط و مستحفظلقلری ائشاده تعلیم و یا مانوره ایچون مدت معینه ایله
تحت سلاحه آلانلر ایله بدل تقدی و یرویده الی آی تعلیم ایچون خدمته کیرنلر و برسنه لك
خدمت مقصوره ایله تحت سلاحه آلانلر ماذون عد اوله رق مذکور مدتله عاڈمعاشری
تام و یریه جکدر . شوقدرکه یرلرینه وکیل تعیینی لازم کلدیکی حالده معاشرينك انحق وکیه
و یریه جك مقدارندن ماعداسی کندیله یرینه و یریه جکدر .

ماده : ۴ احتیاط یا مستحفظ صنفنده بولنوب وقت حضرده بلا دعوة کوکلی
اوله رق خدمت عسکریه داخل اولان مأمورین حقنده برنجی ماده موجبجه معامله
اولنور .

سفربرك ائشاننده بو صورتله خدمت عسکریه داخل اولانلره ایکنجی ماده
موجبجه معاش اعطا ایدیله شوقدرکه بولنر قانوناً وظیفه مأموره لری باشنده ترك اوله حق
مأموریندن ایسه لر حقلرنده برنجی ماده موجبجه معامله اولنور .

ماده : ۵ دواثر رسمیه و بلدیهدن معاش آلان ملکیه طیب و بیضر و اجزایلرندن
سفربرك مناسبتیه موقتاً رتبه عسکریه توجیهی ایله جهت عسکریه جه استخدام اولانلرک
رتبه عسکریه لری مخصوصاتی جهت ملکیه دن مخصص معاشندن فضله ایسه مخصصات
عسکریه و یریلوب جهت ملکیه ده کی معاشی و یرلر واکر رتبه عسکریه سی مخصوصاتی
جهت ملکیه ده کی معاشندن نقصان ایسه نقصانی جهت ملکیه ده کی معاشندن اکمال اولنور .
جهت ملکیه جه موقوف قاله حق معاشات لزومنه کوره تعیین اوله حق وکیللرک مخصصاته
قارشیلق اتخاذ اوله جقدر .

ماده : ۶ ۷ ربیع الاول سنه ۱۳۲۸ و ۶ مارت سنه ۱۳۲۶ تاریخی نظامنامه احکامی
مفسوخدر .

ماده : ۷ اشبو قانون ۱ ایلول ۱۳۳۰ تاریخندن اعتباراً مرعی الاجرادر .

ماده : ۸ اشبو قانونك اجرای احکامنه وکلا مأموردر .

مجلس عمومینك اجتماعده قانونی تكلیف اولمق اوزره اشبو لایحه قانونیه نك
موقتاً موقع مرعیه وضعی وقوانین دولته علاوه سنی اراده ایلدم .
۱۵ شوال ۱۳۳۲ و ۲۴ اغستوس ۱۳۳۰

محمد رشاد

داخلیه ناظری	حربیه نظری	شیخ الاسلام و اوقاف هایون ناظری	صدراعظم و خارجیه ناظری
طلعت	انور		محمد سعید
نافعه ناظری	مالیه ناظری	بحریه ناظری	عدلیه ناظری و شورای دولت رئیس وکیل
محمود	چاوید	احمد جمال	ابراهیم
پوسته و تلغراف و تلفون نظری	معارف ناظری	تجارت و زراعت ناظری	
اوسقان	احمد شکری	سلیمان البستانی	

*
**

قانون صورتیدر:

ماده : ۱ بیک اوچوز اوتوز سنه سی بودجه آچینه قارشولق اولمق اوزره بروجه
زیر تکالیف فوق العاده وضع اولمشدر :

اولاً تمتع ویرکوسنه $\% ۲۵$

ثانیاً اغنام دوه جاموس جنوار رسومنه $\% ۲۵$

ثالثاً نفوس پسپورط قنچلاریه رسومنه $\% ۱۰۰$ ضم اوله جقدر .

رابعاً هر درلو مصرف سند اتیله عرض حالله برر غرو شلق یرینه ایکی غرو شلق حجاز
تیمور یولی اعانه علم و خبری الصباق ایدیله جقدر عرض حال مر بوطاتی کماکان بر غرو شلق
علم و خبره تابعدر .

ماده : ۲ اشبو تکالیف فوق العاده یالکز اغنام ایچون بوقانونك تاریخ نشرندن
وسائرلی ایچون بیک اوچ یوز اوتوز سنه سی مارتی ابتداسندن مرعی اوله جق و تکالیف
فوق العاده مذکورده نك جمله سی بیک اوچوز اوتوز سنه سنه مخصوص و منحصر قاله جقدر .

ماده : ۳ اشبو ضمایم کسور منضمه شکننده استیفا ایدیلوب تکالیف اصلیه اوزرینه
موضوع دیگر کسور منضمه نك تزیدینی ایجاب ایتیه جقدر .

ماده : ۴ فخری شهیدرلرک عائداتی کماکان استیفا ایدیلکری خرجلرک اصلی اوزرینه
حساب ایدیلوب اشبو قانون ایله وضع اولنان ضمایم اوزرندن عائدات ویرلیه جقدر .

ماده : ۵ محاکم خرجلری اوزرینه اجرا ایدیلان ضم اشبو قانونک نشری تاریخندن اعتباراً ملغادر .

ماده : ۶ اشبو قانونک اجراسنه مالیه ناظری مأموردر .

قوة اجرائیه جه ۱۸ ربیع الاول سنه ۱۳۳۲ و ۱ شباط سنه ۱۳۲۹ تاریخنده تنظیم وموقتاً موقع تطبیقه وضع ایدیلان اشبو لایحه قانونیه ۱۴ تموز سنه ۱۳۳۰ تاریخنده مجلس عمومیه تعدیلاً قبول اولمشدر .

مجلس اعیان ومبعوثانجه قبول اولنان اشبو لایحه نک قانونیتنی وقوانین دولته علاوه سنی اراده ایلدم .

۲۶ رمضان ۱۳۳۲ ۵ اغستوس ۱۳۳۰

محمد رشاد

ماله ناظری صدر اعظم
جاوید محمد سعید

*
* *

سیم ایکیلکردن غیرى مسکوکات مغشوشه نک وسیم یکرى وقرق پاره لقلارک تداولدن رفی ومسکوکاتک اصلاحی ایچون سرمایه تشکیلحقنده

قانون صورتیدر :

ماده : ۱ مال صندوقلرینه حقیقی بش غروشه قبول اولنان آلیقلر ایله بونلرک یوز واللی پارهیه تداول ایدن نصف وربعلری والیوم یوز واللی پارهیه قبول اولنان قره بشاکلر ایله نصفلری وکوش غروشلق ویکرمی پاره لکلر و سلطان محمود دورنده باصلمش اولوب بش واون ویکرمی پارهیه تداول ایدن اسکی متالکلر و ۲۶ مارت سنه ۱۳۱۶ تاریخلی اراده سنیه موجبنجه احداث وضرب ایدلش اولان اون وبش پاره لقیکی متالکلربیک اوچوز اوتوز بر سنه سی ابتداسندن اعتباراً مسکوکاتدن عد اولغیه جقدر . مسکوکات مذکوره اشبو تاریخه قدر مال صندوقلری ودواثر بلدییه ومؤسسات رسمیه ومالیه ونافعه وزنه لرنبجه تسلیات مقابلنده قبول اولنه حق و فقط صرف ایدیلایمیه جکدر .

ماده : ۲ برنجی مادهده تعداد اولنان مسکوکات اشبو قانونک تاریخ نشرندن اعتباراً اوچوز اوتوز ایکی سنه سی ابتداسنه قدر مال صندوقلریله تحصیل شعبه لری ومسکوکات اداره سی طرفندن غروشی غروشنه نیکل مسکوکات ایله مبادله اولنه جقدر .

ماده : ۳ اشبو قانونك تاريخ نشرندن اعتباراً مجديه اقسامندن كموش ويكرمي
بوقرق پارهلق مسكوكاتك ضربى قطعياً تعطيل اولنه جقدر .

ماده : ۴ على العموم كرش مسكوكاتك ميدان تداوله كي موجوديني تزديد
ايدم بيله جك هر درلو نظامات ومقررات اشبو قانون ايله ملغادر .

ماده : ۵ بيك اوچيوزيكرمي التي سنه سي موازنه عموميه قانونك اوتجي ماده سي
موجبجه ضرب واخراجنه قرار ويرلش اولان يوز مليون غر و شلق نيكل مسكوكاتدن
شمدي يه قدر پياسيه اخراج ايدلش اولان مقدارندن متباقيسي يالكز ايكنجي ماده
موجبجه مبادليه تخصيص ايديله رك ديكر صورته قطعياً اخراج ايدليه جقدر .

ماده : ۶ (اولا) مسكوكات اداره سنجه مبادله تسليم ايديلن مسكوكات مغشوشه
وسيم يكرميلك وغر و شلقلرك آري آري اذابه سندن تحصيل ايدم جك كولچهلر وكذلك
استعمالدن ساقط اوله رق قالمش اولان عتيق ويانيق وكسيك وخرده هر درلو نشان، مداليه
ومسكوكاتك ومصادره ايدلش وايديله جك آلتونلى وكوشلى قلب پاره لر ايله تداولى ممنوع
مسكوكات اجنيه نك وامثالنك اذابه سييله الله ايديله جك خليه لر و ضربخانه اعمالاتندن
قالان ناقابل افرا اياقلىق رمادلو واوانى سيم وزرچاشنى معاينه سندن آرتان سر قلم حاصلى
التون وكوش قريپتيلرى وتوزلى اصولى دائره سنده فروخت اوله رق اتمان حاصله سي
ويا خود بو كولچهلردن سيلك وديك ولهملى مسكوكات عثمانيه نك تجديداً ضربنده وزن
تقصانلرينه علاوه اولمغه صالح اولنلى آليقونيله رق خالص آلتون وكوش فيأته كوره
يدللى (ثانياً) موقتاً مال صندوقلرينه قبول ايدلمكه اولان انكليز وفرانسز ليرالرينك
وقوبلى ولهملى وديكلى عثمانى ليرالرينك تحويلاً تجديداً ضربنده قبول فيأتلرينه نظراً
حصوله كله بيله جك فرقلى واردات بودجه سنك مسكوكات فصلنده « اصلاح مسكوكاته
مخصوص احتياط سرمايه سي كولچهلر حاصلاتى » عنوانى اچيله جق بر ماده يه ايراد قيد
اولنه جق وبوصورته ايراد ايديلن مبالغه معادلى مسكوكات متداوله نك اصلاحى مصارفه
دائى برقرار شولى اوله رق هر سنه استعمال ايديلن مقدارى ايرتسى سنه بودجه سنه دور
اولنقى اوزره ماله بودجه سنك ضربخانه بابنده « مسكوكات متداوله نك اصلاحنه مخصوص
احتياط سرمايه سي » ناميله اچيله جق بر فصل مخصوصه تخصيصات قيد اولنه جقدر .

اشبو قانونك اجرا سنه ماله ناظرى مأمورد .

اشبولايجہ قانونیہ نك مجلس عمومینك اجتماعندہ قانونیتی تكلیف اولمق اوزره موقتاً
موقع مرعیتہ وضعی وقوانین دولته علاوہ سی اراده ایلدم .
۱۱ جادی الاولی ۱۳۳۲ ۵ مارت ۱۳۳۰

محمد رشاد

مالیہ ناظری وکیل
طلعت
صدر اعظم
محمد سعید

*
* *

« اشبو قانونه متعلق مالیه نظارتك ۱۲ نیسان ۱۳۳۰ تاریخلی تذکرہ سی صورتیدر »

۵ مارت ۱۳۳۰ تاریخندہ تصدیق عالی یه اقتران ایدوب بر صورتی لفأ تسیار قلنان
قانون مخصوص موجبہ آئیدہ مذکور مسکو کاتك میدان تداولدن رفعی قرارلشدیرلمشدر .
۱ — ۳ مالصندوقلرینہ حقیقی بش غروشه قبول اولنان آلتیقلر ایله بونلرک
یوز واللی پاره یه تداول ایدن نصف وربعلری ،

۴ — ۵ ایوم یوز واللی پاره یه قبول اولنان قرہ بشلک ونصفلری ،

۶ — ۷ کوموش غروشلق ویکرمیلکلری ،

۸ — ۱۰ سلطان محمود دورندہ باصلمش اولوب بش ، اون و یکر می پاره یه
تداول ایدن اسکی متالیکلر ،

۱۱ — ۱۲ ۲۶ مارت ۱۳۱۶ تاریخلی اراده سنیہ ایله احداث ایدلمش اولان
اون وبش پاره لق یکی متالیکلر ،

مسکو کات مبحوئہ غروشی غروشنہ نیکل پاره لرله تبدیل ایدیله جک ومبادلہ معاملہ سی دم
شو صورتله اجرا اولنه جقدر :

استانبولده بالعموم مؤسسات مالیه و نافعہ ودوائر بلدیه وزنه لرینہ ورود ایدہ جک
اولان بوقیل مسکو کات طوغریدن طوغری یه ضربخانه یه کوتوریلوب مبادلہ معاملہ سی
اوراجه یاپیله جقدر .

استانبولده مرکز اداره سی و یاشعه لر ی بولنیمان شرکت ودوائر بلدیه وزنه لرینہ ورود
ایدہ جک اولان مسکو کات مبحوئہ محالری مالصندوقلرنجه مبادلہ اولنه جقسده استانبولده
شبه سی یاخود مرکز اداره سی بولسان مؤسسات مالیه و نافعہ وزنه لرندہ بیریکه جک

اولان سالف الذکر مسکوکات محالرنده صرف اولئمه رق مبادلہ ایدلک اوزره استانبولہ کوندریلہ جکدر .

مبادلہ ایچون کتیریله جک اولان پارملرک بروجه آتی اوصافی حائر بولنسی الزمدر . مسکوکات مغشوشه وکوموش غروشلق و یکر میدکلرک سیلیک ، دہلیک ، یایق ، چاتلاق و قولبی ولہملی اولانلری قبول اولنہ بیله جکسہدہ بونلرک قیریقلری وەر هانکی نوعندن اولورسہ اولسون مقاصله کسلمش بولنانلری قبول اولنہ ماز .

فقط قصده مقرون اولقسزین اوندہ بر درجه سمنده قیرلمش اولان قیریق آتلیق وقرہ بشلک وبونلرک اقسامیلہ اسکی متالیکلر مبادلہ اولنہ بیله جکدر .

شو قدرکه هر نه صورتله اولورسہ اولسون قبول و مبادلہ اوانه جق پارملرک بهمہ حال مسکوکات متداولہ عثمانیہ دن اولدقلرینک هر درلو شہدن عاری اولہرق اکلاشلمسی قطعاً الزمدر .

اوقاقلق مسکوکات حقده کی سالف الذکر ۵ مارت ۱۳۳۰ تاریخلی قانونک تصدیقه اقرانہ تعلیقاً برمدتدبری تعطیل ایدلمش اولان سیلیک سیم مسکوکات ضربیانه یکیدن مباشرت ایدلمش اولوب سیلیک بوتون ، یاریم و چاریک مجیدیله مقابلنده مجدد یاریم و چاریک مجیدیہ ویریله جکی کی سیلیک ایکیدکلر مقابلنده ده یکی ایکیدکلر ویریله جکدر . انحق قانون مذکورک دردنجی ماده سی موجبجه علی العموم کوموش مسکوکاتک میدان تداولہ کی موجودینی تزید ایدہ بیله جک هر درلو نظامات ومقررات ملغا اولدیغندن کوموش سیلیک مسکوکاتک یوزده یکر می فضلہ سیله ضربی اصولی ده لغو ایدلمشدر .

بناءً علیہ طشرہ اموال ایتام اداره لرنجه اویولده ایقای معاملہ اولنق اوزره وزنه لرنہ ورود ایدہ جک اولان سالف الیان مسکوکات قطعاً صرف ایدلیہ رک غروشی غروشنہ نیکل ویرلمک اوزره مال صندوقلرنہ تودیعی مقتضی بولندیغنک کندیلرینہ تفہیمی ودائرہ جلیله لرنہ مربوط بولنان بیت المال وایتام کی اداره مرکزیه لرجہدہ بو قیل مسکوکاتک لاجل المبادلہ مسکوکات اداره سنہ ارسالی خصوصاتنک ده ایجاب ایدلرہ تبلیغی بابندہ

« مكلفيت عسكرية قانونك طقسان ايكنچى ماده سيله ذيلنى تفسيراً شوراي دولت تنظيمات دائره سنجه قلمه النان. ۱۸ اغستوس سنه ۱۳۳۰ تاريخلى مضبطه يه مربوط جدولدن مستخرج ققرااك صورتيدر . »

مكتوبى معاونلىكى، تحريرات مدير معاونلىكى ديمك اولمغله

طشيره ايتام مديرلى { اموالك اخذ و محافظه سيله مكلف اولدقلرندن
طشيره محكمه شرعيه بش كاتبلرى { وزنه دارلره قياساً
ايتام تحصيلدارلى : اموالى تحصيل ايله مكلف اولدقلرندن تحصيلدار
اولقى اوزره
قاضى مشاورلى : حكمه مأذون بولملى حسييله قاضيلىر مثللر

مكتوبى ميمزلىكى { ماده مذييله ده استثنا ايديلن شيفره مأمورلىر مأموريت
« خلفائى » { اصليه سى شيفره يه منحصر اولانلردن عبارت اولمغله
فتواخانه عالي ميمزلى : فتواخانه عاليده معاونلك بولنديقندن

*
* *

« مكلفيت عسكرية قانونك طقسان ايكنچى ماده سيله ذيلنى تفسيراً شوراي دولت تنظيمات دائره سنجه قلمه النان ۱۸ اغستوس سنه ۱۳۳۰ تاريخلى مضبطه دن مستخرج ققراادر . »

« بر مدير معيتمده بر معاون بولندينى حالده انك و متعدد معاونلر بولندينى و وظيفه لرى متحد اولدينى تقديرده مقدم صنفدن اك مسنى اولمق اوزره يالكز برينك و وظيفه لرى متحد اولدينى صورتده وظيفه لرينك تعلق ايتديكى هر شعبه ايچون بر معاونك و معاونلىكى بولميان بر مدير معيتمده بولان ميمز بر اولدينى حالده كذلك آنك و متعدد ميمزلر بولندينى و وظيفه لرى متحد اولدينى صورتده ينه مقدم صنفدن اك مسنى اولمق اوزره يالكز برينك و وظيفه لرى متحد اولدينى تقديرده وظيفه لرينك تعلق ايتديكى هر شعبه ياقلم ياقسم ايچون ينه مقدم صنفدن واك مسنى اولمق اوزره بر ميمزك و بر شعبه ياقلمده ياقسمده معاون ايله ميمزك اجتماعى حالده فقره ده كي ترتيبه رعاية يالكز معاونك و بر معاونى اولمغله برابر شعبات ياقلام ياقسامك تعدادى حسييله متعدد ميمزلى اولان مدير يتلرده معاون ايله برابر هر شعبه ياقلم ياقسم ايچون كذلك مقدم صنفدن انك مسنى اولمق اوزره بر ميمزك و هر نه صورتده اولورسه اولسون بر شعبه ياقلم ياقسمده ميمزلر تعداد ايتديكى و وظيفه لرى متحد اولدينى تقديرده كذلك مقدم صنفدن اك مسنى اولمق اوزره يالكز بر ميمزك استئناسى و متعدد معاون ياقلميزلردن مقدم صنفده بولانلردن اك مسنىك مكلفيت عسكرية سى اولدينى صورتده ارتق بشقه بر معاون ياقلميز استئناسى جهته كيدلمه سى و ميمزى اولميان قلملرده بولان باش كاتبلر مذكور قلملارك ميمزى مقامنده بولندقلرندن انلركده ميمزلر حقنده كي احكامه تابع طوتلى موافق مقصد و مصلحت اولدينى تأمل و معاملات حسابيه ايله مشغول

اولیان شعبات واقلام واقسامده معاملات حسابیه ایچون مأمور استثناسنه لزوم اولمیدنی. درکار اولغله یالکز معاملات مذکوره ایله مشغول بولان شعبات واقلام واقسام ایچون. وظیفه مذکوره نك ایفای ضمنتده برر مأمور استثناسنك تصدی تأمین ایدم جکی وبر شعبه محاسبه جیسی او شعبه نك معاملات حسابیه مأموری اولسنه مبنی محاسبه جی بولان. شعبه لرده ایریجه معاملات حسابیه مأموری استثناسنه محل اولمیدنی ... »

*
**

قاپیتولاسیونلرک الفاسی حقنده ورود ایدن تذکره سامیه صورتیدر :

ممالک عثمانیه ده مقیم تبعه اجنبیه حقنده دخی حقوق عمومیّه دول احکامی دائره سندّه معامله اولنمق اوزره الیوم جاری مالی واقصادی وعدلی واداری « قاپیتولاسیون » نامی التنده کی بالجله امتیازات اجنبیه نك واونلره متفرع ویا اونلردن متولد بالجله مساعدات وحقوقک فی مابعد رفع والفاسی خصوصنه مجلس وکلا قراریه بالاسیذان اراده سنیّه جناب تاجداری شرف متعلق بیوریلهرق صورت مصدقه سی لفاً طرف دولترینه اسرا وودواثره تعمیماً تبلیغات اجرا قلنمش اولمنله مشیخت جلیله لرنجهده ایفای مقتضاسی باینده امر واراده حضرت من له الامر کدر . ۱۸ شوال ۱۳۳۲ ۲۷ اغستوس ۱۳۳۰

صدراعظم نلغنه
مستشار
امین

*
**

« قاپیتولاسیونلرک الفاسی حقنده کی تذکره سامیه لفاً کوندریلان ۲۷ اغستوس سنه ۱۳۳۰ تاریخی اراده سنیّه صورتیدر »

ممالک عثمانیه ده مقیم تبعه اجنبیه حقنده دخی حقوق عمومیّه دول احکامی دائره سندّه معامله اولنمق اوزره الیوم جاری مالی واقصادی وعدلی واداری (قاپیتولاسیون) نامی آلتنده کی بالجله امتیازات اجنبیه نك واونلره متفرع ویا آونلردن متولد بالجله مساعدات وحقوقک فی مابعد رفع والفاسی مجلس وکلا قراریه تنسیب اولنمشدر .

اشبه اراده سنیه ۱۸ ایلول ۱۳۳۰ تاریخندن اعتبار آمرعی الاحکام اوله بقدر .
بوا اراده سنیه مرکز اجراسنه سینت وکلا مانوردر .

۱۷ شوال سنه ۱۳۳۲ و ۲۶ اغستوس سنه ۱۳۳۰

محمد رشاد

حریبه ناظری	شیخ الاسلام و اوقاف هایون ناظری	صدر اعظم و خارجیه ناظری
انور	ضمیری	محمد معبد
بحریه ناظری	عدلیه ناظری و شورای دولت ریسی وکیلی	داخلیه ناظری
احمد جمال	ابراهیم	طلعت
معارف ناظری	تجارت و زراعت ناظری	نافعه ناظری
احمد شکری	ملایانه البستانی	محمود
		مبارک
		پوسته و تلغراف و تلفون ناظری
		ارمقانه

اجوبه شرعیه

« رشده دائر » [*]

رشید مالی محافظه خصوصنده تقید ایدرک سفه و تبذیردن توقی ایدن ایدن کسه یه
اطلاق اولنور بوصفت اون بش یاشنی اکال ایدنلرده و کذا غیر بالغ و یمیز بولنان صغیرلرده
موجود اولنجه رشید عد اولنورلر. مجله : ۹۶۸,۹۴۷
بالاده بیان اولنان ایضاحاتدن منفهم اوله جنی اوزره تأهلک رشده مدحلی اولمدیغنه

[*] اوستریا و مجارستان سفارتندن بوجه آتی وقوعبولان استفتا اوزرینه فتواخانه عالی دن ویریلان جوابدر .
اسئله :

قادیلرک سن رشدی نه وقتدر ؟

بر قادین تأهل ایتدیکننده رشیده عد اولنه بیلوری ؟

« حقوقنه نه کی سکتلر ایراث ایدر ؟

متأهل بر قادین زوجنک اقامتکهنده بولمغه مجبورمیدر و زوجنک اذنی اولمقسزین اواقامتکاهی ترک ایده بیلوری . ؟

متأهل بر قادینک بعض شرائطن طولایی زوجندن آرو برخلده اقامت ایتسی مجبور اولنه بیلوری ؟ و اولندیغی حالده نه کی

شرطه مبتنیدر ؟

رشیده اولیان بر قادینک تأهل ایتسیله برابر حق ابون رفع اولنورمی ؟ رشیده اولمایوده تطلیق اولنیش و یاخود زوجنک

بوقایله طول قالش بر قادین پدرینک خانه سته یکید . بلکه شرعاً بر مجبوری واریمدر . ؟